



御選元詩卷第五十九目錄

七言律詩十八

明本十九首

行端二首

祖銘二首

益四首

清珙六首

覺恩一首

智寬二首

文靜一首

懋詞一首

御選元詩

卷五九目錄

處林一首

照鑑一首

餘澤一首

廣宣一首

元本三首

文信一首


自恢二首

子賢一首

至奘四首

照三首

良圭一首



泉澄一首

超珍一首

良震一首

淨慧一首

善行一首

志瓊一首

宗衍七首

惟則一首

廷埴一首

可繼一首

法智一首

御選元詩

卷五元目錄

大訖八首

善學二首

大圭一首

曇埴四首

智圓一首

文藻二首

元旭二首

淨昱一首

貞怡然二首

元一首

若舟一首

古愚一首

玉峰一首

善觀一首

性嘉一首

茅山遊僧一首

何節婦賀氏一首

胡烈女妙端一首

馬彥奇妻盛氏一首

万俟蕙柔一首

王嬌紅四首

鄭氏允端二首

御選元詩

卷五九 目錄

葉正甫妻錙氏一首

蘇小卿一首

范秋蟾一首

劉侍史一首

孔進士一首

施翰林一首

倪公一首

無名氏九首

安南王陳光昺一首

安南國王陳益稷九首

安南武威公段福一首

驃信一首

輔義公陳秀峻一首

安撫賴益歸二首

少保丁公文一首

盛熙明一首

御選元詩

卷五九

目錄

四

御選元詩卷第五十九

七言律詩十八

明本

船居

世情何事日羈縻，做箇船居任所之。豈是畸孤人共棄，都緣疎拙分相宜。漏篷不礙當空挂，短櫂何妨近岸移。佛地也知無用處，從教日炙與風吹。

水光沈碧駕船時，疑是登天不用梯。魚影暗隨篷影動，鴈聲遙與櫓聲齊。幾回待月停梅北，或只和煙繫柳西。萬里任教湖海闊，放行收住不曾迷。

人在船中船在水，水無不在放船行。藕塘狹處拋篙直，荻岸深時打櫂橫。千里溪山隨指顧，一川風月任逢迎。

御選元詩

卷五十九

明本

一

普通年外乘蘆者，未必曾知有此情。一餅一盞寓輕舟，溪北溪南自去留。幾逐斷雲藏野壑，

或因明月過滄洲。世波汨汨難同轍，人海滔滔孰共流。日暮水天同一色，且將移泊古灘頭。

山居

宵中何愛復何憎，自媿人前百不能。旋拾斷雲修破衲，高攀危磴閣枯藤。千峰環繞半間屋，萬境空閑一箇僧。除此現成公案外，且無佛法繼傳燈。

數朶奇峰列畫屏，參差泉石暢幽情。青茅旋豎尖頭屋，黃葉頻煨折脚鐺。雲合暮山千種態，鳥啼春樹百般聲。

世間出世間消息不用安排總現成

見山渾不厭居山就樹誅茅縛半間對竹忽驚禪影瘦
倚松殊覺老心閒束腰嬾用三條篾扣已誰叅一字關
幸有埋塵瓢子在待磨成鏡照空顏

頭陀真趣在
山林世上誰人識
此心火宿篆盤煙寂寂
雲開窗檻月沉沉
崖懸有軸長生畫瀑響無絃
太古琴不假修治常具足
未知歸者謾追尋

水居

道人孤寂任棲遲
跡寄湖村白水西
四壁煙昏茅宇窄
一天霜重板橋低
驚濤拍岸明生滅
止水涵空示悟迷
萬象平沈心自照
波光常與月輪齊

御選元詩

卷五元

明本

二

水邊活計最天然
物外相忘事事便
門柳每招黃蝶舞
岸莎常襯白鷗眠
雨蒸荷葉香浮屋
風攪蘆花雪滿船
不動舌根談實相
客來何必豎空拳

縛箇茅菴際水涯
現成景致一何奢
野塘水合魚叢密
遠浦風高鴈陣斜
道在目前安用覓
法非心外不須誇
一聲鐵笛滄浪裏
煙樹依依接暮霞

年晚那能與世期
水雲深處分相宜
茭蒲繞屋供晨爨
菱藕堆盤代午炊
老岸欲墮添野葑
廢塘將種補新泥
無心道者何多事
也要消閒十二時

水國菴居最寂寥
世塗何事苦相招
去村十里無行路
隔岸三家有斷橋
數點鴉聲迎暮雨
一行魚影漲春潮

陳年佛法從教爛豈是頭陀嬾折腰

次韻瀋王題真際亭

高亭結構標真際體共雲林一樣閒山勢倚天忘突兀
水聲投澗自潺湲伽陀迴出言詞外海印高懸宇宙間
佇看凭闌人獨醒又添公案入禪關

梅花和馮學士海粟作

見非恍惚夢非神雪後霜前分外真疎影暗消三弄月
半聯淒斷獨吟人歲寒搖落孤根在江驛荒涼往事塵
碎嚼幽香清可挹玉奴無復更臨春

眼花落井眩雙神雪步迢迢見欲真澹墨畫圖橫玉影
黃昏庭院倚闌人唾絨猶認窗間跡啼粉空餘鏡面塵

御選元詩

卷五元明本

三

消得黃金鑄成屋年年雪裏貯芳春

水中仙子鏡中神夜夜相攜入夢真隴鴈哀殘埋玉地
朔風吹老弄蟾人寒添灞上雙眉凍愁壓江南幾屐塵
雪裏不嫌情味苦一枝占斷九州春

橫影伶仃似有神半清淺處獨呈真數枝沖澹晚唐句
一種孤高東晉人上苑清房誰耐雪廬山玉峽肯蒙塵
是中天趣那能識惜被東風漏洩春

題金山寺

半江湧出金山寺一簇樓臺兩岸船月到中宵成白晝
浪翻平地作青天塔鈴自觸微風語灘石長磨細浪圓
龍化楚人來聽法手擎珠獻不論錢

行端

山居

山木交柯莎滿庭馬蹄且不污巖扃篝燈對雪坐吟偈
擁械遶泉行課經睡少每知茶有驗病多常怪藥無靈
金園一歲一牢落誰似孤松長自青

題飛鳴宿食鴈圖

去年來無定年中郎何處有書傳影橫劔北月連塞
聲斷衡陽霜滿天雨暗荻花愁晚渚露香菰米落秋田
平生千里與萬里塵世網羅空自纏

祖銘

南屏雨中

御選元詩

卷五九

行端

祖銘

益

四

五月雨聲連六月南屏雲氣擁柴扉林巒有穴山精出
巖谷無人石燕飛詩句偶從行處得家鄉多在夢中歸
曉來杖策湖頭去春水溶溶沒釣磯

次韻免原懷徑山

蒼蒼喬木五峰齊十載江湖憶舊棲丘壑芝蘭香霧上
金銀樓閣彩雲低秋風悵望遼天鵲夜雨悲涼冢上雞
但得閒身各安健會尋石壁灑新題

益

山居

亂流盡處卜幽棲獨樹為橋過小溪春雨桃開憶劉阮
晚山薇長夢夷齊尋僧因到石梁北待月忽思天柱西

借問昔賢成底事十年騎馬聽朝雞

自知疎拙不可變深入寒雲千萬層
夜火晴收楓塢葉
午茶寒煮石池冰
青林有雀安知鵠
碧海非鷗不化鵬
從此世人尋不到亂山無路石稜稜

荒徑敲斜挂籬篷
半籬紅粟倩溪春
山中有客見真虎
世上何人識假龍
秋竹走篔簹穿斷石
老藤行蔓上枯松
晚風斷送雲歸去
誰打原西寺裏鐘

題徑山

攀蘿捫石上崔嵬爲訪名師特到來
碧眼望穿紅日際
青鞵蹋破白雲堆
松濤振壑鳴天籟
瀑布春巖動地雷
好境自然塵世別
何須海上覓蓬萊

御選元詩

卷五元益

清琪

五

清琪

閒詠

柴門雖設未嘗關
閒看幽禽自往還
尺璧易求千丈石
黃金難買一生閒
雲消曉嶂聞寒瀑
葉落秋林見遠山
古柏煙銷清晝永
是非不到白雲間

溪淺泉清見石沙
屋頭無角寄藤蘿
夜深月下長猿獻
苔厚巖前少客過
庭竹敲斜春雪重
嶺梅消瘦夜寒多
寥寥此道非今古
徒把瓢來石上磨

優游靜坐野僧家
飲啄隨緣度歲華
翠竹黃花閒意思
白雲流水淡生涯
石頭莫認山中虎
弓影休疑盞裏蛇
林下不知塵世事
夕陽常見送歸鴉

滿頭白髮瘦稜層日用生涯事事能
木臼秋分春白朮
竹筐春半曬朱藤
黃精就買山前客
紫菜長需海外僧
誰道新年七十七
開池栽藕種芡菱

細把浮生物理推
輸贏難定一盤碁
僧居青嶂閑方好
人在紅塵老不知
風颺茶煙浮竹榻
水流花瓣落青池
如何三萬六千日
不放心身靜片時

法道寥寥不可模
一菴深隱是良圖
門前養竹高遮屋
石上分泉直到廚
猿抱子來崖果熟
鶴移巢去磎松枯
禪邊大有閒情緒
收拾乾柴向地鑪

覺恩

虎丘寺

御選元詩

卷五九

清瑛

覺恩

智寬

六

東西兩寺今爲一
有客登臨見斷碑
剩水殘山王伯業
苦風酸雨鬼仙詩
樓臺半落長洲縣
簫鼓時來短簿祠
盤郢魚腸不知處
輓轡千尺響空池

智寬

送王尚書轉漕還京

白髮蘭臺老鄭崇
野人爭識舊乘驄
青冥斧鉞來南國
碧海樓船駕順風
夜指星樞天直北
曉瞻雲氣日華東
趨朝正及端陽節
細葛承恩出漢宮

送王景華道士之京

羽客思歸尺五天
雙鳧直上紫雲端
玉簫聲徹春空迥
寶劍光浮夜月寒
夢入瑤臺香冉冉
步趨青瑣佩珊珊

奉顏重進長生籙南極星迴太乙壇

文靜

天香室爲定水見心和尚賦

天香蘭若倚高岑雙桂花開秋正深鶴唳空山涼月白
龍歸古洞碧雲陰一窗風雨高僧定滿壁珠璣好客吟
拄杖何時問幽寂旃檀林下遠相尋

懋詞

昨過定水獲觀中丞相君和見心禪師詩亦續

其韻

閒陪繡斧訪林墟丹桂飄香九月初濯足溪流山鳥近
論文香閣晚鐘疎禪翁愛客炊紅稻童子烹魚得素書

御選元詩

卷五元

文靜

懋詞

處林

照鑑

七

爲問中興好消息江南忠傑有新除

處林

答定水堂上見心和尚

時危無計訪瀛洲何處山川可浪游天外羽書勞傳馬
江間戰艦起沙鷗正思蓮社香雲滿未覓桃源春水流
東望雙峰情似海乘槎擬欲共賡詠

照鑑

歸泉寺

憶別山泉歲月深暮雲秋草幾光陰鬢鬢盡換池邊影
少壯多移世上心舊逕林間無曲折前交座上總消沉
眼中唯有亭亭塔獨坐東峰第一岑

餘澤

送趙季文之湖州知事

日暮江南歌采蘋春風催起宦游人鷗邊水葉侵衣碧
馬首山花照眼新公子文章應獨步參軍案牘漫相親
也知伯仲能忠孝當上潘輿送喜頻

廣宣

玉山佳處以冰衡玉壺懸清秋分韻得秋字

故人一別知幾秋相逢談笑便登樓圍棋細說東山法
酌酒應爲靖節留蓮葉秋深纔綠淨蓀花露冷尚香浮
界溪文物風流在不減當年顧虎頭

元本

御選元詩

卷五九

餘澤

廣宣

元本

八

富春歸隱圖爲鐵雅先生賦

小橋流水隔紅塵亦有漁郎解問津要路只聞收壯士
好山還許住閒人每思李愿歸盤谷獨愛嚴陵老富春
便擬采芝歌隱曲白雲紅樹謾爲鄰

泊雙井亭有感

涼颼微動水雲收鷗鷺無聲泊處幽露落梧桐雙井冷
月明砧杵萬家秋貪歡盡醉吳姬酒長往誰同范蠡舟
最憶多情鄭司馬琵琶和淚上江州

玉山草堂

每憶吳中顧野王門前溪水即滄浪寄來書法全臨晉
傳刻詩章已入唐翠竹碧梧歌鳳曲疎簾細簟坐漁莊

扁舟準擬來相訪稍待秋風八月涼

文信

送李提舉歸

白帝城邊落木秋
我擘山上月如鉤
少陵野老曾爲客
太白山人舊所遊
玉峽樓船煙雨暝
錦官臺殿夕陽收
他年百丈牽江上
訪子殷勤到孟州

自恢

書畫舫以春水船如天上坐
老年花似霧中看
分韻得花字

綠波池頭書畫舫
窗開晴日見梅花
愛賢曾讀當時傳
好事嘗傳米老家
座上酒罍傾臘蟻
硯坳書水滴文龜
御選元詩卷五元
文信自恢
子賢九
艱時會合須謀醉
莫向空江歎歲華

送海上人還荆門

徧禮南朝古佛宮
荆岑春去百花濃
江通楚蜀波濤壯
山入湖湘紫翠重
拄杖穿雲隨白鹿
軍持分水浴蒼龍
欲知後夜相思夢
月落猿啼滿竺峰

子賢

寄翠峰寺敏仲謙

敏公遙住洞庭西
咫尺煙波路欲迷
落日斷霞山疊疊
揚舸鼓柁風淒淒
魚龍出沒隨潮上
橘柚參差壓樹低
東庵人家更清絕也
思來此作幽棲

至真

寄玉山徵君

草堂風物靜朝曛春日題詩每憶君
澗底松青疑過雨山頭玉氣總成雲
神鵬未展溟南翮天馬能空冀北羣
會見丹陽爲內史笑揮白羽樹高勛

老去高情獨放歌新亭結構近滄波
狎鷗泛渚知人意稚子應門喜客過
山色湖光春浩浩蕩碧梧翠竹雨婆娑
絕勝池上山公子醉著江東白鷺蓑

小徑升堂舊不斜幽居渾似杜陵家
五株桃樹當春草一帶溪流入浣花
每自放船歌白苧也從漉酒脫烏紗
風流更憶瀛洲客應獻安期棗似瓜

春到江南野水濱絕憐幽事總相親
風飄玉雪柳花落御選元詩

卷五

至貞

照

十

雨濕琅玕竹樹新洗硯時時臨晉帖
賦詩往往似唐人向來爲識江邨路
此日過從莫厭頻

照

寄玉山主人

草堂東望白雲深主人愛書如愛金
下榻每因楊執戟得句長懷支道林
松花滿樹可爲酒竹筍隔簾成綠陰
我欲乘閒遠相過坐對石牀彈玉琴

寄楊庶夫

絕愛才多楊執戟家住東吳錦繡塲
姓字已知傳宇宙玉堂新誦好文章
畫船百丈牽春雨鐵笛一聲鳴鳳皇
海上相望千里隔尺書無便爲君將

題玉山佳處

玉山青青若蓮山中樓閣白雲連采藥相從赤松子
吹簫時約紫霞仙鮫人獻寶珠盈斗石壁題詩筆似椽
相去地無三十里會須騎馬草堂前

良圭

玉山草堂

傳道崑山有草堂風流不減百花莊窗前綠竹飛鸚鵡
井上高梧集鳳皇每想對牀延孺子近聞築室款支郎
乘閒亦欲攜樽酒雪裏清江泛野航

泉澄

玉山草堂

御選元詩

卷五九

良圭

泉澄

趙珍

良震

十一

徵君家住玉山西雅集詩成每自題高爽只仝崔氏宅
風流不減浣花溪碧桃春露迷青鳥翠竹晴沙散錦鷺
聞道白雲泉上客近攜瓶錫寄幽棲

趙珍

碧梧翠竹堂分韻得陽字

碧梧翠竹蔭高堂堂上張筵引興長上客凌風還解珮
美人傳令更飛觴簾櫳冉冉香微動星斗沉沉夜未央
黃菊紫萸應爛漫江南風景在重陽

良震

題定水見心和尚天香室

上界金銀開佛宮六時鐘磬度溪風空王晏坐寒巖下

天女散花明月中石几爐煙秋澹澹碧牕香霧曉濛濛
幾時乘興登鳴鶴與子夷猶桂樹叢

淨慧

題楊竹西高士小像

鶴立長身大布襦綠光瞳子雪眉鬚才名恥列三生後
文物看來兩晉無牛度玉關迴紫氣龍眠滄海抱遺珠
憑君更著東維輩畫作雲林五老圖

善行

送瞿慧夫上青龍鎮學官

丈夫求仕非無術只合明時作校官弟子日來供茗飲
先生時坐取琴彈澗山春樹簷前綠谷水秋風帳底寒
御選元詩

卷五无

淨慧

善行

志瓊

宗衍

三

善舞不須愁地褊才名行且屬儒冠

志瓊

深秀亭暮春述懷

空庭雨濕聚華茵回首東風憶遠人玉砌香消行跡斷
雕闌吟徹別愁新樓臺半是前朝景桃李都承舊日春
歸燕多情還戀主銜泥雙拂畫梁塵

宗衍

秋興

一別空山舊草亭衣裳五見點秋螢沙沈短艇餘菰米
苔卧長鑱老茯苓水蓬萊那可到瞿塘灩澦不須經
歸帆早晚吳波裏嫋嫋涼風望洞庭

題趙松雪墨蘭

湘江春日靜輝輝，蘭雪初消翡翠飛。
拂石似鳴蒼玉珮，御風還著六銖衣。
夜寒燕姑空多學，歲晚王孫尚不歸。
千載畫圖勞點綴，所思何處寄芳菲。

題仙山樓觀圖

琅玕珠樹隔煙霄，仙子樓居積翠遙。
羽化夢驚元鶴返，丹成身與白雲飄。
杖隨麋鹿山深淺，釣掣鯨魚海動搖。
想像虛無圖畫裏，秦皇漢武若爲招。

子熙兩和詩寄再用韻以荅

梁甫吟餘自荷鋤，南陽非復舊門閭。
春愁亂逐楊花起，秋興頻將柿葉書。
水落楚江尋瘞鶴，草荒吳苑問蒸魚。
遠遊憶母還歸省，安得雲萍有定居。

御選元詩

卷五元

宗衍

三

次韻瑛石室謝事雪竇歸吳江

草堂舊在吳江上，江水江花照眼明。
久客歸來渾似夢，比鄰相見不知名。
萼香笠澤思張翰，瓜熟青門憶邵平。
一夜西風吹白髮，挑燈因自賦秋聲。

送友人游温台

天台鴈宕好林丘，水竹風杉寺寺幽。
路轉山腰斜避石，渠通泉眼細分流。
經過遂欲留佳處，險絕何須到上頭。
八月錢唐望歸權，江潮如雪倚江樓。

寄李太無

不見能詩李謫仙，東湖吟望兩經年。
丹光迥出青雲上，

紫氣長臨碧海邊擬對梭衣論澗竹更留茅屋賦江蓮
疎鐘細磬匡山裏頭白歸來也自賢

惟則

遊茅山雲林清遠之館

華陽有客似重來新見雲林別館開寒日半巖松鶴起
腥風萬壑雨龍回琴牀流露滋瑤草丹鼎飛春上玉梅
居者未知清且遠人間咫尺望蓬萊

廷頃

題徐良夫畊漁軒

海內黃塵沒馬深林間雲氣護遙岑蘿牕竹峙千竿玉
苔徑花明萬樹金酒熟山瓢留客醉茶香石鼎共僧吟
御選元詩

卷五

惟則

廷頃

可繼

法智

十四

也知風致多清絕短檝何時一再尋

可繼

謝良夫惠茶

欲譜茶經喚陸郎三泉何事水湯湯金芽尚帶先春露
玉髓空遺舊日香清苦家風搜肺腑亂離符讖說旗槍
閉門讀罷先天易驚覺王孫出醉鄉

法智

泊安慶城

浮圖高出暮雲低雉堞連陰碧樹齊茅屋人家兵火後
樓船鞞鼓夕陽西大江千里水東去明月一天烏夜啼
欲酌忠魂荒塚外白楊秋色轉淒迷

大訃

萬歲山

蜿蜒金翠倚青冥，虛谷時傳萬歲聲。
葆羽氈旃雲氣濕，玉龍鱗甲夜寒生。
關河拱挹皇居壯，宮殿深嚴萬慮清。
自愧山林麋鹿性，也隨鵷鷺到承明。

高彥敬尚書墨竹

西域高侯自愛山，此君冰雪故相看。
蒼梧帝子秋風淚，翠袖佳人日暮寒。
妙處寧論鐵鉤鎖，深情莫報翠琅玕。
誅茅何處陰崖底，靜看梢頭玉露漙。

送郭幹卿學士赴奎章閣次趙魯公韻

歲晏俄聞上國行，安車可是暮年情。
早朝翠霧霑衣濕，御選元詩

卷五元 大訃

十五

夜直銀河入座清，社稷憂勤霜鬢短。
江湖歸夢釣絲輕，相攜不盡丁寧語。
歌斷驪駒白下城，短褐寧陪衣繡行。
相忘道術愧深情，光分玉樹精神合。
氣肅金盤沆瀣清，孤鳳遠歸阿閣晚。
六鼇浮去五山輕，微蹤亦與扁舟約。
煙水南詢第幾城。

次韻王繼學侍御金陵雜詠十首

錄二首

東窗看山

微茫翠浪瀉青瑤，木末斜分鳥道遙。
雲斂江亭初過雨，月明津樹欲生潮。
崖根橘柚知誰種，澗曲茅茨許共樵。
不羨東山攜妓看，堆盤鱸玉映紅消。

賞心亭

碌碌從人媿抱關賞心應共鶴飛還孤舟野水東西渡
落日長淮遠近山神鼓乍喧香霧合賓筵初散綠陰閒
相思咫尺長相隔一似河流九曲灣

次韻薩天錫臺郎賦三益堂芙蓉

華開未覺早霜殘留伴仙人酒半闌翡翠巢空秋浦淨
落霞飛盡暮江寒玉真對月啼雙頰楚袖迎風舞七盤
持向毘耶聽說法病翁元作色空看

次韻王伯循僉事將上江東留別

江南江北白雲秋隨分高情且宦游醉著甌甌歸月下
夢披葭葦釣槎頭光生玉宇秋先見氣肅銀河夜不收
明日繡衣終遠別看山不盡更登樓

御選元詩

卷五九

大訶 善學

十六

善學

紙帳

一團虛白墜輕柔護我禪林分外幽身在芸暉堂上卧
神於銀色界邊遊素雲助暖春常在霽月凝光夜不收
好是枕邊蝴蝶遶梅花有夢到羅浮

道中望靈峰寄秦上人

海門煙霧日沉東曙色濛濛帶雨風古寺半空丹壁裏
幽林一望畫圖中雲堆鶴夢松聲細石近龍泉水眼通
勝覽江山觀未足寫生留寄梵王宮

大圭

王丞石泉

白石藂藂屋上山泉聲一道碧雲間十分如練月同色
萬古不痕天照顏靜夜竹齋知雨意清秋茶鼎共僧閒
甘寒可濯功名念公子青袍鬢未斑

曇墳

次韻答慈元恕

茅堂住在清江曲瀟灑渾無俗客過流水自懸春藥碓
落花閒度煮雲窩不耽元石三年酒只賦梁鴻五噫歌
退食歸來塵事少舊游回首隔風波

荅定水堂上和尚次韻

兵塵十載暗滄洲矯首東南憶舊遊夜壑松濤驚別鶴
春江柳色映眠鷗天香滿室澄還寂澗水涵空湛不流

御選元詩

卷五九

大圭

曇墳

七

車馬擁門多慕道雲興百問若爲酬

金山寺

崢嶸兩岸市廛開愛靜人尋此處來水底有天行日月
山中無地著塵埃塔擎燈影明雲杪船載鐘聲出浪堆
自信平生有仙骨好風吹上妙高臺

送王宗禮尚書趣運還京

轉海雲濤萬里賒長風指日望京華南州已入諸侯貢
北極初回奉使槎內燕宮花迎馬酒御溝官柳拂龍沙
從容好奏安時策還見車書混一家

智圓

送僧還四明

遠移瓶錫秣陵城又逐秋風過四明白石清泉尋舊約
碧雲紅樹動離情路從朱雀橋邊去舟自丹陽郭裏行
惆悵客中頻送客更堪疎柳暮蟬聲

文藻

荅定水和尚

西江一派接天流浩浩東南日夜浮寶地珠宮金氣爽
神山碧海玉壺秋翰林雲錦時相寄覺院麟龍日共遊
猶有凌霄遺業在未應定水得淹留

芳林幽谷混漁樵國士筵中肯赴招天上簡書何絡繹
雲深島嶼自岿巖詩篇每向閑邊寫香篆常於定後燒
宗社人材還可數惟公玉立聳巖標

御選元詩

卷五九

智圓

文藻

元旭

淨昱

大

元旭

次韻荅定水見心和尚

曾次由來貫九流已將富貴等雲浮一溪春水蒲芽綠
滿室天香桂子秋投老河山成獨往題詩小朵憶同遊
即今海內風塵暗且向林泉好處留

白髮蒼顏谷口樵美人不見誰能招獨客春深但惆悵
雙峰日落空岿巖貝章早起焚香讀金粟秋蒸埽葉燒
文采風流有如此雲霄何必羨杭標

淨昱

題丹山

白水丹山何處看清暉亭上一凭闌半空積翠三台近

萬丈飛流五月寒，仙女吹簫來洞口。山人采藥出雲端，
我身亦是鄰峰鶴。來往相從總不還。

負怡然

借琴

桐梓年深半裂開，擘陽道士獨憐才。細磨蛇腹秋風起，
輕鑿龍池夜雨來。此日銘邊重注字，當年爨下欲成灰。
何時試鼓陽春曲，預拂空山小石臺。

月中桂

霜風吹老桂，婆娑輪滿旁。枝長漸多萬，古秋香懸宇宙。
一株晴影照山河，雲間銜子無黃鶴。天上看花有素娥，
折向人間應不識。九重清露濕鳴珂。

御選元詩

卷五元

負怡然元

若舟

古愚

九

元

客中除夕

瞬息光陰赴壑蛇，遲留此夕上天涯。三更孤枕兩年夢，
四壁一燈千里家。是處送窮驚爆竹，巡簷索笑看梅花。
明朝甲子頒新曆，飲後屠蘇莫歎嗟。

若舟

館娃宮

白晝娃宮宴未旋，東風吹下越來船。捧心方妒三千女，
嘗膽誰知二十年。花暗廊廊蜂蝶困，草深香徑鹿麋眠。
憑闌一段傷心事，都在西山夕照邊。

古愚

題海雲亭

目前多古今情盡在太湖湖上亭舸艦浮空雲葉亂
屬鏤沉水浪花腥一杯澱豔吞雲夢數點蒼茫認洞庭
明日慧山曾有約又攜茶鼎汲清泠

玉峰

北固山

獨上危樓眼倍明無端風景動吟情小窗近對金山寺
曲路斜通鐵甕城山色四時當戶綠波光萬頃接天清
箇中若許容吾宿坐聽江流半夜聲

善觀

北固山

御選元詩

卷五九

玉峯善觀
茅山遊僧

性嘉

二

最愛招提景物饒
竭來乘興陟山椒
層雲縹緲青冥外
狠石攔斑歲月遙
一帶雲連京口樹
滿帆風送海門潮
天然圖畫真奇絕
分付良工子細描

性嘉

北固山

十載摳衣登此樓
江山有待我重遊
景多人立海東面
天近鳥飛雲上頭
雨過煙巒翠屏曉
月明水壑鏡奩秋
世間無限丹青手
誰寫蓬萊第一洲

茅山遊僧

謁張外史

久聞方外有神仙
只住華陽古洞天
花徑不曾緣客埽

石牀今許借僧眠，穿雲去汲燒丹井。帶雨來耕種玉田，一自茅君成道後，幾人騎鶴下蒼煙。

何節婦賀氏

鬻指血題詩

涇渭難分清與濁，妾身不幸厄紅巾。孤兒尚忍更他姓，烈女何曾嫁二人。白刃自揮心似鐵，黃泉欲到骨如銀。荒邨日落猿啼處，過客聞之亦愴神。

胡烈女妙端

題壁

弱質空懷漆室憂，搜山千騎入深幽。旌旗影亂天同慘，金鼓聲搖鬼亦愁。父母劬勞何日報，夫妻恩愛此時休。

御選元詩

卷五元

何節婦賀氏

胡烈女妙端

三

九泉有路還歸去，那箇雲邊是越州。

馬彥奇妻盛氏

詠梅

古枝點點類瓊瑰，不假天工爲剪裁。月夜孤標憐晚景，冰溪瘦骨絕塵埃。寒香溼血魂難返，貞節凌霜志莫回。桃李未曾爭豔冶，半窗疎影自徘徊。

万俟蕙柔

題壽沙驛壁

夫官湖右妾江東，三載孤幃日夕空。葵萼有心終向日，柳花無力苦隨風。兩行血淚孤燈下，萬里家鄉一枕中。鴈到衡陽身即返，有書難倩子卿鴻。

王嬌紅

記懷

情緣心曲兩難忘夢隔巫山蝶思荒春思嬾隨花片薄
愁懷偏勝柳絲長金鬆瘦削腸堪斷珠淚闌珊意倍傷
人自蕭條春自好少年空爾惜流芳

一點芳心冷似灰蘭幃寂靜鎖塵埃幾時閨思多慳澀
昨夜燈花又浪開夢裏佳期成慘澹想中顏色苦疑猜
芙蓉帳小雲屏暗一段春愁帶雨來

咫尺天涯一望間重簾十二擁朱闌斷腸芳草連天碧
作惡東風特地寒籠裏飛禽堪再復盆中覆水恐難乾
落花舞絮春如水下却珠簾不忍看

御選元詩

卷五九

王嬌紅

鄭氏允端

三

屈指光陰又隔春朱顏枉負一生身情牽相喚鶯聲細
腸斷無端草色新露帳銀牀初破睡舞衫歌扇總生塵
幾回惆悵空悲歎祇爲無情薄倖人

鄭氏允端

碧筒

主人避暑開芳宴輕折荷盤當酒壘半朵斷雲擎翡翠
一江甘露瀉玫瑰宵中爽氣飄飄起鼻底清香拍拍回
可笑狂生楊鐵筴風流何用飲鞦韆杯

紅指甲

鳳花涂就玉纖纖別是風流幾種看鸞鏡勻脂丹髓濕
鵲鑪添火綵雲寒封題錦字春無限彈淚香閨血未乾

報道金釵斜插處落紅飛上髻雲端

葉正甫妻鐳氏

寄衣

不隨織女渡銀河每到秋來幾度歌
歲歲爲君身上服
絲絲是妾手中梭
剪刀未動心先碎
針線纔縫淚已多
長短只依元式樣
不知肥瘦近如何

蘇小卿

題金山寺

憶自當年拆鳳皇至今消息兩茫茫
蓋棺不作橫金婦
入地當尋折桂郎
彭澤曉煙迷宿夢
瀟湘夜雨斷愁腸
新詩寫記金山寺
高挂雲帆上豫章

御選元詩

卷五

葉正甫妻鐳氏

蘇小卿

三

范秋蟾

達元帥詩

江頭沙磧正交舟
江上人懷百戰憂
力屈杲卿生罵賊
功成諸葛死封侯
波瀾洶洶鯨橫海
天地寥寥鶴怨秋
若使臨危圖苟免
讀書端爲丈夫羞

劉侍史

九日過上都

瘦馬行吟萬壑中
浮萍身世幾西東
山空雨洗千崖翠
酒薄顏添半面紅
滿徑荒叢摧夕露
一庭黃葉走秋風
今朝又是重陽節
流落天涯愧老翁

孔進士

賈島遺卷

亂峰青抱石溪寒中有詩人獨倚闌
夜月龕燈曾禮佛
秋風驢背偶驚韓殘碑剝落苔封篆
古寺荒涼草壓壇
我有新詩吟未穩推敲相憶路漫漫

施翰林

偶題西藍

亭下紅蕖次第開翠淪溶漾絕纖埃
林疎忽見遠山出
竹密不妨清吹來雲水卜居心未遂
簿書堆案首慵迴
晚涼益快披襟興便欲援毫賦楚臺

倪公

經遊石門山

御選元詩

卷五元

孔進士
無名氏

施翰林

倪公

三四

春雲醉日不成霞沙上刺桐三兩花
白馬錦韉霄漢客
綠陰茅屋野人家浮生有酒且同醉
公事勞人何用嗟
頗覺三農了征稅藝麻薅麥足生涯

無名氏

美人紗帶

滿眼春嬌倚繡牀玉鈎新綰藕絲長
鴛鴦機上舒晴雪
翡翠簾前蹴曉霜拾翠不知羅韞潤
踏花猶隔繡鞵香
幾回暗憶吹簫侶背立東風詠鳳皇

仙壇

碧壇燾影蔭龍蛇騎鶴歸來棗似瓜
仙女風前飄玉屑
道人天上剪雲霞寒潭六月猶無暑
老木千年尚有花

采藥青童來借問蒼煙起處是誰家

鶴夢

九臯寒冷寂無聲一覺仙遊夢更清風過松巖酣未醒
煙生茶竈倦還驚青田月下家千里赤壁舟中夜幾更
香暖紫芝方睡足莫教琴上玉絃鳴

鴈字

故國霜前省舊遊夕陽影裏見銀鈎都將塞北千年恨
寫破江南萬里秋一畫如真橫遠漢數行帶草落平洲
傳書莫到秦淮上明月蘆花客正愁

破屋

一番風雨一番顛捲我書齋屋頂穿紅日透光來枕上
御選元詩

卷五九

無名氏

五

白雲拖影到牀前小鐺煮茗烹明月古硯濡毫蘸碧天
寒士夜來讀周易燈光直射斗牛邊

梅花燈籠

翠節玲瓏玉骨涼分明照見鐵心腸一挑銀燄勾春色
萬點金錢散野芳帶月橫牕疎弄影篩金滿地暗生香
幾回引馬歸來後青鳥無聲更漏長

櫓

斲木爲竿駕客舟翩然快我下中流雙龍影落湘江晚
百鴈聲傳楚岸秋素練撥開波浩渺黃金攪碎月沈浮
長灘鷗鷺多如雪一路驚飛不敢留

焦山

江上峰巒擁翠濤神仙曾此挂丹瓢中流坐席雲常護
六月樓臺暑自消樹色遠迷淮甸雨鐘聲遙帶海門潮
天開圖畫非人世一葦相過不待招

訪樵隱不遇

想是朝真去未回空教人久立丹臺冰盤露冷生瓊屑
元圃春深長碧苔巖下響知松子落洞中香是竹花開
拍闌一笑欲歸去海闊天高鶴不來

安南王陳光暉

送天使張顯卿

顧無瓊報自懷慙極目江臯意不堪馬首秋風吹劒缺
屋梁落月照書菴幕空難住燕歸北地暖愁聞鴈別南

御選元詩

卷辛九

安南王陳光暉
安南國王陳益稷

三

此去未知傾蓋日篇詩聊贈當高談

安南國王陳益稷

大明殿侍宴

班陪玉筍侍紅雲日表熙熙瑞氣溫萬派朝宗滄海闊
衆星環供紫宸尊雍容湛露歌詩什髣髴鈞天入夢魂
孤蘂秋毫皆帝力願殫忠赤報深恩

駕畋柳林隨侍

仙仗平明擁翠華景陽鐘發海東霞千官捧日臨春殿
萬騎屯雲動曉沙白鷗韞翻身霧薄黃龍旗拂柳風斜
太平氣象同民樂南北梯航共一家

送元明善赴京

江流脈脈草離離黃鶴磯頭酒一卮報國寸心憐我老
論交半面識君遲正當重鼎調梅日又是長亭折柳時
滿載詩書歸路穩鳳城依約更相期

送李龍川平章赴闕

雪滿長亭酒滿斟楚山千疊水千尋梅青半識平生面
桐老相知太古心鴈影南樓孤月冷馬頭北闕五雲深
二毛越叟情無限獨向南窗袖手吟

駐馬渡頭

大別山頭漢口前吳王磯下沔城邊立殘秋水隔灘鷺
噪落夕陽何處蟬赤壁冷煙消魏卒黃州澹月照坡仙
英雄瀟洒名俱在我愛狂吟不媿天

御選元詩

卷五九

安南國王陳益稷

三

鄂館書懷

蕭然孤館起淒風半壁青燈照病容滴碎秋心窗外雨
敲殘曉夢枕邊鐘衡陽鴈斷三千路巫峽猿啼十二峯
不盡關山回首處暮雲疊疊水重重

秋晚睡覺

海水盈盈漏轉籌霜風吹角出譙樓夢殘澹月五更曉
心遠孤雲萬里秋玉帛幾年賓上國詩書半出老中州
平生事業渾如昨無奈青燈照白頭

謝青宮賜酒

黃封星使控麒麟騰踏高風拂路塵仙醴釀成天上露
宮壺分賜臘前春恩沾南紀波濤闊氣轉東皇草木新

拜徹雍容歌既醉遙瞻鶴禁喜津津

上都回宿赤城站

塗山執玉會諸侯宴罷回程宿嶺頭
白海雨來雲漠漠赤城秋入夜
颼颼皇圖萬里乾坤闊客路幾年
身世浮驛吏驚呼詩夢破一聲雞
唱隔雲州

安南武威公段福

翠華臺扈從詩

叨從萬乘陟蘭峰一片青螺起梵鐘
日影仗霞祥彩徧花明輦路景光
重天戈肅肅參巖竹仙樂泠泠響
澗松佇看玉毫明海國朱旗揮霍
擁蒼龍

驃信

御選元詩

卷五元

安南武威公段福
輔義公陳秀峻

驃信

三八

陟靈峰記興

遙望靈峰壯大邦攀遊陟嶺過清江
日輝花影霞舒院風襲爐煙霧透窗
谷口嬌鶯吟對對闌間粉蝶舞雙雙
追尋不但憐芳興將極基圖建法幢

輔義公陳秀峻

登岳陽樓

樓高百尺倚雲端扶病登臨試一看
望眼直窮燕塞遠吟腸須貯洞庭寬
烏沉谷口千林暝龍戰波心六月寒
多少羈懷無處話平蕪漠漠水漫漫

安撫賴益歸

元日朝會

聖日垂光被越南驛亭官柳許停驂車書今混四方一
冠佩咸呼萬歲三香唾翠雲龍闕潤酒翻金海鳳簫酣
羣臣舞蹈天顏近眷顧恩深雨露涵

賡參議許公詠東山飄然樓詩

秋興亭前月去時滿樓山色索新詩心如柳絮沾泥早
身似蓮花出水遲經卷已輸居士樂酒樽宜與可人期
倚闌看遍郎湖景塵俗紛紛總不知

少保丁公文

陳郎中剛中自交趾還朝以詩餞行

使星飛下擁祥煙不道崎嶇路九千雙袖拂開南海瘴
一聲唱破下乘禪妙齡已出終軍上英論高居陸賈前

御選元詩

卷五九

安撫賴益歸

少保丁公文

无

歸到朝端須爲說遠氓日夜祝堯年

盛熙明

遊補陀洛迦山

驚起東華塵土夢滄洲到處即爲家山人自種三珠樹
天使長乘八月槎梅福留丹赤如橘安期送棗大於瓜
金山對面無言說春滿巖前小白花

御選元詩卷第五十九

御選元詩卷第六十目錄

五言長律一

耶律楚材二首

郝經一首

劉因一首

王暉二首

程鉅夫一首

郭昂一首

方回四首

戴表元一首

龔璠一首

御選元詩

卷六

目錄

袁易一首

陳孚三首

鮮于樞一首

趙孟頫四首

袁桷五首

曹元用一首

曹伯啓四首

馬祖常十四首

張雄飛一首

貢奎四首

許有壬二首

許有孚一首

何中二首

劉濩一首

蒲道源一首

王禎一首

御選元詩

卷本

目錄

二

御選元詩卷第六十

五言長律一

耶律楚材

和李世榮韻

聖主題華旦熊羆百萬強
兵行從紀律敵潰自奔忙
百谷朝滄海羣陰畏太陽
黎民歡仰德萬國喜堯舜
規模遠蕭曹籌策長巍然
周禮樂盛矣漢文章神武威
兼德徼猷柔濟剛自甘頭
戴白誤受詔批黃我道將
興啓吾儕有激昂厚顏懸
相印否德忝朝綱佐主難
及聖爲臣每願良翠華來
北闕黃鉞討南疆明德傳
雙葉寬仁洽萬方九服無
不軌四海願來王兵革雖
開創詩書御選元詩

卷六十一

耶律楚材

一

何可忘洪恩浮曉露嚴令肅秋霜
符應千齡運功垂萬世昌
縣縣延國祚熒熒受天祥
多士咸登用羣生無敗戕
此行將告老松菊未全荒

和冀先生韻

并序

東垣士大夫以興王聖德詩見寄用酬雅意

運出三爻兌

以太一推之而得

龍飛九五乾要荒歸化育豪哲入

陶甄有幸恩涵海無私德應天偏師收百越一鼓下三川
天子能身正元戎不自賢重光道同軌累聖德相聯
策決九重內功歸萬乘權羣雄哀稽顙多士喜摩肩輔
弼規左右丞疑賛後前開夷逾漢武平叛跨周宣冠蓋
通窮域車書過古延覽機雲母障受諫翠華輶款塞諸

蠻洞來朝百濟船降王趨陛闕強敵列氓編淨埽妖氛
變潛消烽火煙詞臣遊館閣幽隱起林泉堯舜文明盛
商姬禮樂全九成合古奏二雅詠新篇世卜千百世年
斯億萬年宗親成蒂固國祚等瓜綿聖政輿人誦天威
萬古傳勉旃封禪事不用策安邊

郝經

開平新宮五十韻

日月旋天蓋星辰合斗樞光騰掌內鐵氣繞澤中蒲金
帛羞重賜弓刀奮一呼真人翔灞上天馬出余吾尺篔
初開闢羣雄競走趨無勞爲更舉乘勝即長驅蹴踏千
年雪驍騰萬里駒長城衝忽斷弱水飲先枯肅殺威靈

御選元詩

卷六

耶律楚材

郝經

二

盛驅除運會俱華夷塵瀕洞天地血糝糊地盡諸蕃外
兵窮兩海隅九州皆瓦礫萬國一榛蕪誰與重休息徒
爲妄駭吁治平須化日殺伐豈良圖聖子曾當壁神孫
會握符鐵山深蘊玉瀚海特生珠曆數終當在謳歌信
不誣欲成仁義俗先定帝王都畿甸臨中國河山擁奧
區燕雲雄地勢遼碣壯天衢峻嶺蟠沙磧重門限扼狐
侵淫冠帶近參錯土風殊翠擁和龍柳黃飛盛樂榆岐
山鳴鶯鶯冀野牧駒駝風入松杉勁霜涵水草腴穹廬
罷遷徙區脫省勤劬階土遵堯典卑官協禹謨既能避
風雨何用飾金朱棟宇雄新造城隍屹力扶建瓴增壯
觀定鼎見規模五讓登皇極羣生賜大酺還聞却走馬

即見弛威弧簡策詢前代弓旌聘老儒恢弘回一氣微
幸絕多塗雷雨施龐澤乾坤洗舊汙直爲提赤子遂使
出洪鑪遠檄收疲繭窮邊罷轉輸江孺遺鄂岳石窟棄
巴渝刀塑存殘骨膏梁換毒痛却令逢有道免使叫無
辜契闊還同室鰥憚得字孤八荒皆壽域六合極歡娛
白叟休垂泣蒼生獲再蘇只知期用夏更擬論平吳旭
日氷天透仁君雪國無終能到周漢亦足致唐虞遇主
得知已逢時合舍軀弭兵通信誓奉詔敢踟躕頓覺心
田豁還將肝紙刳行行重回首瑞氣滿闈闈

劉因

送仲常遊北岳

御選元詩

卷六

郝經

劉因

王惲

三

大茂元都悶他山拱萬靈風霆凜神化河海盡襟形昂
畢空留影幽并未了青追風王制變僭祀世塵腥禮樂
心雖切煙霞骨有銘長懷七十戶爲我謝仙高

王惲

送李郎中德昌北還情見乎辭

一自新河別經今已十年爲尋江表傳重會嶺南天鴻
鶴乘風健驂驅得路先雞香芬省署襟誼動星躔洒落
生平契留連祖送筵自嗟衰病客愁臥瘴江煙歲月鄰
期耄鄉關近五千依依枝遶鵲跼跼水飛鳶外望何其
切中堅未易鑄崇高疇弗戀筋力若爲前落日鄉音杳
秋空望眼穿委心歌已矣適意俟終焉行止雖存數周

旋正賴賢省臺公道在萬一故人憐

番禺杖

異種來番國知名自老坡杖才任操倚節目喜摩挲尺
度天然足柑黃氣色和奇姿含海霧孤植映江沱物眇
離鄉貴材稀審實訛聲音鏗爪甲鱗介訝蛟鼉鞭馭真
雷策批亢格魯戈重輕欣得所長短稱閒拖扶老攜行
便持危得力多金蛇僵自勁鮐背痒忘疴不自浮槎使
來從老伏波見歸情鄭重未許老婆娑入手嗟神物傳
看駭玉柯支頤看月出橫膝伴詩哦選勝尋泉石窮幽
入薜蘿有時兒女觸却恐鬼神呵蓋節空筇竹神鋒黯
太阿笑揮堪解虎靜倚可降魔靈壽輕無賴梅條皺可
御選元詩

卷六

王惲 程鉅夫

四

按花藤昏玳暈斑點慘相娥桃竹那能比桄榔未足歌
望塵甘却立斂跡總無過用舍時當審敲撞責果何更
防雷雨夜衝屋學陶梭

程鉅夫

壽李秋谷

薇省星辰近鑾坡日月遲上公開瑞旦舊學蔚明時玉
瑄微陽動宮壺喜氣隨已應蕭應昂復說傅騎箕琥珀
蒼松液珊瑚碧樹枝茂生豪傑士來作太平基憶昔公
初起方時事已隳艱虞身保障謀議國著龜赤手除蛟
虎丹心見薨葵一朝周典禮萬世漢官儀宗廟重鐘簷
乾坤再柱維泰階寒耿耿遐壤日熙熙大小陳綱紀神

姦鑄鼎彝桂枝增秀發蔓草極芟夷鄉校惟聞頌朝廷
總得宜端由天子聖亦在哲人推昭代才何盛斯文柄
獨持立言成準範析理貫書詩餘事歸青史新篇藹素
期朝趨雙闕內夕夢北山陲顧問常前席論思每執規
力援寒峻溺已視庶民飢姓字喧童稚仁恩被等衰功
高門似水心靜爵空縻報主期堯舜爲臣志呂伊山河
分陝地勲業太常旂早達謙盈理居多寵祿辭戰兢存
夙夜勗勗負安危卽此觀天道宜能永福綏直爲天下
祝不是老夫私

郭昂

從軍

御選元詩

卷六

程鉅夫

郭昂

方回

五

祆氛慘白晝天狼窺紫微世故人心迫秋高戰馬肥乾
坤增肅氣鼓角壯神威刁斗淒風急貔貅白羽揮陣雲
愁不散邊月澹無輝烽火千山起炊煙萬竈稀獸蹤驚
遠伏鳥影避營飛雷電奔長檄旌旗擁戟闌八風觀世
應六甲祕天機社稷悲雄劍肝腸快鐵衣樓船功可繼
銅柱願常違談笑一時了軒昂滿意歸太平方有象聖
德自徽徽

方回

次韻張耕道喜雨見懷兼呈趙賓暘

疲氓多菜色去守乏棠陰屬慮千峰旱俄聞六月霖麵
灘船欲澀茗務井還深香潤迴瓜圃聲酣起蔗林炎官

初恣肆道暘稍侵尋畏日方焦野油雲忽冒岑此涼甦
萬病厥價倍千金解郡雖逾歲留家尚至今田登欣米
賤屋老懼書淋遙念兒衣襖兼虞婦竈沉淒清傳古調
憂悶豁煩襟拭汗紕練悅搔頭斷玉簪却思穿石罅共
坐聽泉音非脆鮮鱗縷梅芳煮醞斟一江同照影兩地
隔論心疑雪佳公子輸君日對吟

睦有近城難民以船載磨治麵
城中茶場大井汲者衆故有麵

難船若務井之句趙賓暘和予兩夜詩兒童
疑有雪頻起穴牕看故有疑雪佳公子之句

孔府判楚耘嘗宦雲南今以餘瘴多病意欲休

官因讀唐書南詔傳為此詩問其風俗

番禺州人

漢代哀牢種瀘南大渡河其都居善闡有水號牂牁丞
相祠諸葛將軍畏伏波石扶碑故在銅作柱難磨古但

御選元詩

卷六

方回

六

羈縻耳今如震懾何一成平六詔萬旅削三莪跣足遑
機弩羶頭敢荷戈鬼王牽駿馭岷國效文螺梵供花優
鉢經傳葉貝多異香燃篤耨碩果噉波羅碧鈿懸珠珥
銀鈎摘象馱深秋如夏熱窮臘亦春和霧毒飛鳶墮風
腥巨蟒過已還生定遠猶類病維摩宦思輕髭梗閒心
願澗阿此鄉非瘴土何幸小婆娑

送徐如心如婺源三十韻

之子成春服懽言駕出遊殘紅三月路疊翠萬山陬夏
后乘輜澤軒皇煉藥丘曠平初渺莽屈曲漸深幽比縣
干戈偃諸邨盜賊收室廬還舊貫邸店競新修蠶月門
多鐫秧田草盡耰畫龍沽肆古檻虎驛程脩天目蟠根

遠王干設險道徑紆橫巨石澗潔見游儵岳勢攀衡霍
星文摘斗牛桑麻敦本業筍蕨具珍羞谷冷長杉密岡
溫旦茗抽宣平何處在太白此中求仙墅丹池火僧廬
野竹秋農談通稗史騷詠入樵謳楚雨三江外吳雲五
嶺頭夕陽彭蠡浦潮水淞河流西望番君國東思越相
州孰云民俗儉政爾士風優輿隸知周孔章縫盛魯鄒
聖賢一道續天地四書留闕里瞻庠序師臣拜冕旒永
懷枌梓故能奠藻芹不靈順王封廟華光佛氏樓端能
無鬼責焉所匪神庥矧是儒家彥初非賈客儔詩材工
捃撫意匠極雕鏤佳句垂千古浮榮等一漚吾家紫陽
下肯作寄書郵

御選元詩

卷二

方回

七

前參政浙西廉訪徐子方得代送別三十韻

往時參大政諸老扈先朝合執調元柄猶乘問俗輶登
良爰改紀肅政各遷喬明甚奎文揭堅能泰岳搖吳山
懸夜月浙水噴秋潮薦拔皆奇士寅恭盡選僚重名三
翻鼎古韻九成韶混合氛祲定因循習尚驕不扶儒學
起焉革庶風澆周繼言堪考殷因世未遙西湖舊精舍
南渡昔園橋祠植三賢仆書重萬卷雕武林增炳煥文
廟鬱岿巖不朽垂聲價無窮沸詠謠學肩游子夏謨過
益臯陶鵬運三千日龍飛九五朝遐方馳幣聘曲藝恥
旌招共擬膺三錫何煩奉六條有心思綠野無意上青
霄壯節甘恬退高風久寂寥一閒如我願百病應時消

僉謂衣當袞公宜館有翹終須坐廊廟未許老漁樵世
道存元氣天時正斗杓圍腰堪玉帶畫像早金貂慶會
逢樛木恩榮侈蓼蕭自憐耽杜酒誰肯顧顏瓢每辱高
軒過無嫌闕市囂七旬慙暮景三載徬清標再見知何
日臨風淚欲飄

戴表元

排律十七韻和阮侯得子

芳城春樹晚清海月弦初瑞世三神島光纏五馬車眼
中新鶯鶯膝下小璠璣錦祿看爭羨犀顛畫不如試啼
賓錯愕獻夢媪勤渠庭舞張公鶴門填孔氏魚一時官
府慶數世甲科儲聞說衣冠里高增檠戟閭民隨阮公

御選元詩

卷六十

戴表元

龔璠

八

姓鄰禁宛溪漁東去龜浮印南遊雉繞輿陰移棠芾芾
騎擁竹舒舒政有兒童戀謠聽父老餘攢眉詢賦額正
色署刑書暗室天如鏡心田老自畚看騎金驤裏待弄
玉蟾蜍我欲歌三賈誰能說兩徐先隨湯餅祝聊當賀
錢醪

龔璠

病起試筆十韻

積雨迷空闊翩翩多去舟將家值卑濕無事得清幽安
石非高卧文園已倦游壯心釋如意短髮寄搔頭病約
山容瘦閒窺鴈影浮雙扉寒自語一榻淡相留香篆縈
紆晚畫屏瀟灑秋黃花荒古道白日起滄洲不死千金

藥平生百尺樓暫分仙枕夢遙訪羽人丘

表易

因公事留驛中遂登姑蘇臺晚望

古驛西風起中含水國秋官閒公館靜鳥下吏人休移
簞微涼入登臺晚興留亂蟬當檻急衆木抱城稠天迴
搏蒼鷗山橫走翠虬虛無疑地盡突兀并雲浮絕景嗟
才窘微吟怯語道煙霏生變態鷗鷺傲冥搜初月清如
濕殘霞散不收似乘牛渚舫若在武昌樓娃館今荒草
吳宮祇廢丘按圖非舊跡訪古莫深愁蘋浦漁歌斷楓
根鬼唱幽掠檐聞鶴警照席數螢流止舍慚昭子投亭
媿褚裒疏頑能稍稍漂轉付悠悠茲宇閱人久伊誰似
御選元詩

卷六

表易 陳孚

九

我儔途窮翻一笑鬢短耐千憂世故從飄瓦浮生等置
郵三更星斗落萬事入搔頭

陳孚

安南即事

聖德天無外恩光燭海隅遂頒南越詔載命北門儒萬
里秋持節千軍夜執爨前驅嚴弩矢後爨擁樵蘇睽彼
交州域初爲漢氏區樓船征旣克徵側叛還誅五代顏
王紐諸方裂霸圖遂令風氣隔頓覺版章殊丁璉前猖
獗黎桓後覬覦一朝陳業構八葉李宗徂下俗澆浮甚
中華禮樂無諱嫌訛氏阮託制僭稱孤祭祀宗祊絕婚
姻族屬汗尊卑雙跣足老幼一圓顛陟嶠輕於鹿泗波

疾似鳧斜鈎青繒帽曲領黑羅襦語笑堂前燕趨蹌屋
上烏抵鴉身偃豕羅我背拳狐寺號千齡陋州名萬劫
愚笙簫圍醜妓牢醴祀淫巫國尉青盤護軍擲白梃驅
閱條親獄訟明字掌機樞勃窣官中客鬚鬢座上奴臺
章中贊糾邑賦大僚輸吏權檳榔稅人收安息租黃金
刑莫贖紫蓋律難踰安化橋危矣明靈閣岌乎曲歌歎
時世樂奏入皇都龍慈常穿壁萋藤不離孟玳簪穿短
髮蟲紐刻頑膚有室皆穿竇無牀不尚爐星華舟作市
花福水爲邪突兀山分臘汪洋浪注瀘鼠關林豎密狼
塞澗縈紆士燮祠將壓高駢塔未蕪鐵船波影見銅柱
土痕枯墟落多施榻顛崖屢改途千艘商斥鹵四穫粒

御選元詩

卷六十

陳孚

十一

膏腴短短桑苗圃叢叢竹刺衢牛蕉垂似劔龍荔綴如
珠寶葷羅鸚鵡名香屑鷓鴣揭旌圖鬼像擊柝聚兵徒
鼻飲如瓴甌頭飛似輓轆蚶皮爲鼓擊鰕鬣作筇扶家
必烹蛇虺人能幻虎貙魚鱗簷粲瓦鵲尾海浮桴水弩
含沙擲山豢出穴麤鰐魚鳴霹靂蜃氣吐浮屠寓縣傷
分阻生靈困毒痛舞階猶未格折簡豈能呼大社初傳
馮轅門合受俘貌貅微偃戢蛇豕偶逃逋天已殂渠惡
民猶奉僭雜勢如純據隴政似皓亡吳鳳札重宣令狼
心更伏辜幸能寬斧鑕猶自戀泥塗獻頌尊天子騰章
遣大夫象鞅言可訂蠹冊事非誣功欲收邊徼威須仗
廟謨沐薰陳此什禮部小臣孚

翰苑薦為應奉文字二十韻謝大司徒并呈諸學士

天上金鑾客人間第一流
贊為唐內相禹拜漢元侯
鯤海三千水龜峰十二樓
月寒紅燭夜風淡紫薇
秋鳳誥窺姚如麟篇振魯鄒
珮隨官漏遠衣染御煙浮
淑氣騰奎璧祥光射斗牛
焜煌青瑣闥縹緲紫霞洲
瑪瑙濡堯寶珊瑚耀漢鉤
駝蹄中禁釜豹尾上方騶
僕本師黃卷生惟伴白鷗
親庭雙鶴髮家事一漁舟
偶預天官選來為帝里游
綠章蒙獨薦青史許同修
故郡驚王勃新豐異馬周
隊隨魚圍角喜鹿呦呦
勢似飛三鳳功如輓萬牛
桑榆終有望葑菲未為愁
國士恩難報書生志易
御選元詩

卷六十

陳序

十一

酬誓堅冰雪操正色贊皇猷

偕翰林學士劉東崖禮部侍郎李西山登憫忠寺閣

天京朝萬國十二舜神州
宮闕開中禁關河拱上游
扶桑彤氣近析木紺光流
劒佩千牛衛旌幢五鳳樓
玉泉蟠地湧金塔插天浮
北岳瑤符出南溟瘴霧收
人皆躋壽域我亦步瀛州
智不如犀首癡猶過虎頭
帝恩難獨報儒術幸同儔
偶此登阿閣悠然望薊丘
長庚欣識李太白願依劉
雪擁飛狐夜風號涿鹿
秋黃花堆徑濕紅葉帶城幽
且盡一壺酒掀髯送白鷗

鮮于樞

寶林寺

越國龜峰寺樓臺曜錦翬許詢初有造徐浩久相依開
戶琅玕裂峰山窳堵微昔聞禪板少今見講花飛禱雨
靈鰻躍看雲老鶴歸童烹羅漢菜客禮國師衣白足三
千指蒼松四十圍星河上界近煙火下方稀浮世自榮
辱深林無是非天台五臺遠何必更驂駢

趙孟頫

送董參政赴名

丹極飛明詔鋒車召老臣仲舒經術遠賈誼讜言陳偃
草懷殊俗安田慰遠人公心如皦日江國自熙春散亂
堆牀帙蕭颺滿案塵詭隨吾不忍高臥理還伸入奏能
御選元詩

卷六十

鮮于樞

趙孟頫

十一

回主當言莫愛身衮衣瞻望重丈席侍趨頻鉛槧工無
益樵蘇意已親白鷗波萬里浩蕩未能馴

投贈刑部尚書不忽木公

曹子何多士明公特妙年詩書師法在簪紱相門傳曳
履星辰上分光日月邊帝心知俊彥羣望屬英賢大木
明堂器朱絲清廟絃吉人詞自寡君子德爲先斷獄陰
功厚優儒禮數偏我非天下士人謂地行仙山好雙遊
屐溪清一釣船賦詩時遣興好客恨無錢政爾韋編絕
俄聞束帛弔風塵驅驛騎霜雪灑鞍韉別婦經春夏離
鄉整四千家書愁展讀旅食困憂煎郎位蒙超擢官曹
幸接聯屢聞哦鄙句信或有前緣知己誠難遇捫心益

自憐樊中淹澤雉春晚怨啼鵲驥病思豐草鴻冥羨遠
天仁言如借便白首向林泉

送夾谷公分省陝西

憶從長楊獵於時始識公堂堂九尺幹落落萬夫雄補
袞彌縫密能書點畫工勞謙延士類豈弟到兒童黃閣
歸人望青雲有父風驅馳常扈從奏對每留中暫輟尚
書履榮分陝右弓秦山依畫錦燕雪感秋蓬粉署趨承
舊瀛洲忝竊同因公動鄉思飛夢過江東

題楊司農宅劉伯熙畫山水圖

移得山川勝坐來煙霧空
牕中列遠岫堂上見青楓
巖樹參差綠林花掩冉紅
鳥飛天路迴人去野橋通
邨晚
留遲日樓高納快風
琴尊會仙侶几杖從兒童
疑聽孫登嘯將無顧愷同
微茫看不足瀟灑興難窮
碧瓦開蓮宇丹樓聳竹宮
亂泉鳴石上孤嶼出江中
籍甚丹青譽益知書畫功
煩渠添釣艇著我一漁翁

袁桷

次韻仲章過陳氏城南書隱十韻

矮屋參差倚平蕪
黯淡看夢回榆塞遠愁絕翠峰寒
白髮游絲罨丹心古鏡蟠
槐明金瑣碎菊鑄玉噴
屹憶月時看劍臨風復整冠
鄉音憐過鴈古調拂離鸞
去矣歌招隱終焉樂考槃
晚知交態薄老識宦途難
口腹非真累無煩饋一簞

壽李承旨四十韻

寶曆開三禩瓊章集萬神蒼龍迴插子玉兔候交辰
踏水丹騰渚壺關氣接旻道傳莘野正學比傅巖醇帝運
昌文統師臣秉國鈞清宮高贄畫潛邸舊經綸意得超
今古才雄異等倫春浮霞錯落秋映玉嶙峋三執中書
柄重開大國酌黃鐘陽脈脈瑤圃霧氤氳仙鼎神膏祕
宮壺掌露真恩醲錫麟脯味薄謝猩脣瞳碧光流漆顏
紅色耀銀垂紳凝泰岳設席陋平津手挈重華古心追
貞觀新至人專上壽八表樂同仁非虎者年並猶龍祖
譜親息深忘蝶化機靜狎鷗馴蕩蕩心無競肫肫俗易
淳極知調鼎餽不惜汗車茵竹帛千年事桑麻萬里春
御選元詩

卷六

表楠

十四

管商謀可鄙房杜迹常遵斟酌扶元氣彌縫護國珍倚
風憐竹弱聽雪喜松皴玉署親裁詔青蒲獨奉宸蜀江
移戍罷浙土減租勻榻淨惟烏几堂虛且角巾手揮廷
下吏目送幕中賓習隱時思許題詩尚憶秦黍田溪溜
溜花鴨澗鄰鄰問俗停車緩貪賢倒屣頻藥囊儲赤箭
水鑑徹青蘋滄海收毫末空林絕隱淪藉功文館定約
法論堂詢出處關吾道安危佩一身政須陳蹇蹇直與
紀麟麟績藪慙班馬抽才頌甫申占天徒有管望冶眇
無垠閱歲桃成實知年海拂塵扶疎慙小草葱蒨託靈椿

魯子翬御史分按遼陽作長律五十韻愛其精

密子今歲亦扈蹕開平因次其韻

象御天街正烏輪海觀昇省方秋戒愼扈蹕歲因仍石
逆根駢拇山迴勢左肱塵深疑帽重霧密覺衣蒸午頓
炊難熟宵征酒易勝解鞍心惘惘執轡念兢兢酪水分
罌缶通薪算斗升皮毛均製服脂腴或然燈統幕迷高
下烽臺閱廢興度關泉水咽出口月華澄狼戾官芻峙
魚麗餽粟徵千房雲疊疊萬竈墨層層列帳排衣甲行
營護棘矜旆旋環似翼鼓發去如繩斗北瞻紅棧雲西
指白登草肥青擺極松聳翠凌增積雪疑忘象搏風訝
徙鵬屬車攢幄帳行殿儼茵憑白氍時逢賈朱衣定指
僧翠旄逼華蓋金甕耀觚稜觀闕天經界儀臺象緯凭

御選元詩

卷六

表楠

五

飲飛拳似虎鐵杖足如能竹帛司常煥丹青職貢增會
朝珠帽簇賜宴寶卮凝陛下齊垂橐師行陋釋棚廣寒
通月窟高爽寄涼槽上聖英資異丁年武德弘天戈中
夜渡星檄百川承同軌嚴行夏明裡恥用郟別州端首
冀分器定先滕德啓無疆服光傳有道曾皇威宣絕漠
陽澤散堅冰表正辰居所漸仁水集棚庭開下鳴鳳苑
廢罷飛鷹舉逸尊加壁掄材鄙販繒鄧林搜八柱瀛海
取三凌曲學慙繩祖孤聞賴得朋沈思雲外弋冥索澤
中曾客議雞同鶴人疑驥聚蠅濡毫終有思執簡豈無
懲謂可兼遐邇胡云立愛憎清芬蘭佩結芳薦蕙殺烝
鴻筆吾誠忝輜軒子累乘共知心耿耿明對髮髻鬢馬

磨誰憐許龍門共企膺枚生詞過實揚子德徒稱盛化
乾坤闢王綱日月恒麟符昭炳蔚豹霧駭超騰虛白難
爲繪空青不受矰欲追千古筆爲付一枝藤

次韻伯庸畫松十韻

妙思通靈素元陰接帝青抗顏躬蹇蹇蒙頂髮星星颯
爽龍羞豢蕭疎鶴鍊形壁虛生地籟斗近界天經蝶夢
春濤湧蟲疑曉日冥雲生停筇候風入倚窗聽屈曲車
連軫騰拏篴列庭戀鄉思海岱封爵鄙雲亭月落孫生
嘯天寒屈子醒雄姿輕虎豹浮跡陋鷗鷖

五月廿六日大寒二十二韻

地界幽都正風傳委羽來陰機堅積沍空竅起荒埃炎
御選元詩

卷六

表稱

六

帝辭施設元神擅展裁氣疑翻溟滓勢欲壓恢台北戶
嚴雲結中街宿霧霾睫流驚炙轂吻咽訝銜枚野曠狐
歸穴林荒雀下臺趁虛人瑟縮走驛吏徘徊舊篋裘頻
索殘鑪火易灰當陽紈扇棄薄暮酒尊催牛喘猶瞻月
龍藏敢挾雷曉吟肩峭直午睡髮毳毳絺絺聊增襲簾
帷莫浪開鼎温延上客竈煬集羣孩烏認南枝宿駝鳴
北路回沈寥河漢接慘澹雪霜堆重甲身僵仆銖衣說
詭詭已知鄒子的更覺杜生哀澤國朝曦赫畬田溲雨
催鴻鈞陶石爍金鑑煮冰摧舊俗慙卑窘新聞騁博該
廣寒今已到姑射不須陪

曹元用

上京次王繼學韻

觀光千里外，載筆五雲邊。計拙如工部，文雄愧謫仙。枕
流思洗耳，懷祿敢垂涎。疾目昏如霧，衰髯白勝綿。當辭
天祿閣，歸種汶陽田。曉日登山屐，秋風下瀨船。芝香雲
滿地，龜鶴不知年。

曹伯啓

陪翟沈二文學歲暮登宴嬉臺

一雨開新霽，長空絕點埃。眼明初出郭，心遠乍登臺。矮
塔培黃壤，摧碑漬綠苔。幾人遮日去，雙燕受風迴。稚柳
沿新塹，神祠映古堆。翠峰依舊好，金菊爲誰開。日夕牛
羊下，天寒鳥雀哀。黃流隨去住，元氣接周回。風箒誰操
御選元詩

卷六十一

曹元用 曹伯啓

十一

秋夜西齋有感

因飲張氏
席上故云

旅況隨秋變，淒淒百感生。白雲凝望眼，黃鵠計歸程。襁
褠臨邛服，壑鹽漂母羹。舊痾雖少瘥，新業竟何成。財賈
交情淡，門卑禮意誠。淹留諳世態，出入論家聲。眉鎖將
詩解，心田杖筆耕。蓴鱸張翰興，燈火退之榮。雨積堪輿
暝，霜欺枕簟清。天風篩竹響，簷溜瀉階鳴。伏翼生憐暗，
飛蛾死趁明。鴈鳴如有訴，蟲語不知名。兀兀心猶醉，栖
栖夢亦驚。鄰砧催薄暮，樓鼓辨深更。目斷家何在，年衰

志未平自憐飄泊久坐起若爲情

和陳愛山

拉友尋佳致迢迢遠市喧度山寧惜馬傍水得觀猿淨
盡羈人恨招回遠客魂樹頭參漢表石齒漱雲根植柳
人如在唵梅墓亦存風杉蒼晚節雨徑綠秋痕數畝栖
霞洞千年落照村誰憐丞相宅我愛故人樽叱道僧歸
寺還家僕候門賈留真有意誰可代晨昏

再和

酷愛西山景經年可避喧一聲何處鳥百樣此中猿地
雅僧成趣峯高客斷魂長藤梯藉力茂樹石黏根賤子
心君駭賢人手澤存水亭寒有素雲洞秀無痕古篆紆
御選元詩

卷下

曹伯啓 馬祖常

六

清澗新圖掛遠邨乾坤雙斷梗身世一芳樽戍角催歸
路吟鞭懶入門五年申浦住卜宅媿吾昏

馬祖常

送文著作往鄂州諭南使

大化均天施黃圖象岳寧宣風依日月發號布雷霆貔
虎嚴分鎮鷓鸞蔚在廷芝莖聯孔廟萱葉茂堯庭珠米
圓圓白樓桑箇箇青謳吟興隴畝游衍及郊垌楚俗那
三戶滇童信六經已知含煦育復此仰儀刑使得皇華
美歌應湛露聽賜衣裁錦段官醞應瑤餅上國崇懷服
熙朝尚德馨魚書閒粉蠹雞卜枉軺星鄂渚翔鸚鵡燕
臺念鶴鷁歸途回四牡楓樹失江汀

秋谷平章生日

上宰儒宗重中臺位望隆承天施塊圮捧日照瞳矐汾
洛精靈合文章運會通鄴侯初亦昂周翰降維崧姬正
逢陽復義車舍斗中眉毫齊紺髮仙骨炯方瞳鸞鳳翔
千仞貂蟬侍兩宮天池浮畫鷁公袞煥華蟲造命毗元
化書思沃帝聰山河尊社稷禮樂賴臣工韓國蕃宣永
高皇報施崇從來黃閣貴只屬紫芝翁檻竹沈沈翠庭
花灼灼紅道山藏畫象詞館轉詩筒洛下耆英盛人間
壽域同君王自養老何羨菊潭東

泉南孫氏園亭

鑿石通歸汐浮梁看浴暎鴨闌萍上翫鹿柵蘚生垣蒼

御選元詩

卷六

馬祖常

九

荀垂梔子簣篔長竹孫書香芸辟蠹席暖錦裁鵝交客
登仙籍承家荷帝恩冰甌蜂蜜溜酒榼荔漿翻吹簫花
圍屋彈琴鶴舞園海雲春有態閩雪夜無痕誰謂衣裳
嬾予今杖屨煩捋鬚歌月地翹首望天門

次韻繼學三首

金爵層霄外銀猊曲檻邊含香俱國士持橐半神仙豈
有遮塵手應無見麴涎池清天似水席暖罽如綿客送
蒲萄酒人分苜蓿田書思趨豹省採藻賦龍船誰念馮
唐老爲郎白首年

雞塞西寧外龍沙北極邊有天皆入貢無地不生仙鵲
玉光含水驪珠濕帶涎香清堪閉閣衣薄豈勝綿珥筆

遊黿禁扶犁占鶴田酒來揚子宅人上剡溪船自信篇
章貴能歌擊壤年

丞相晨趨漏元戎夜拓邊碧雞崇漢時丹藥鑿秦仙敢
謂鼇頭選初逃虎口涎柳詞方濯錦雪賦已抽綿豔豔
金爲屋輝輝玉滿田客衣隨楚製鄉夢逐吳船所賴三
階正螭均記有年

陪可用中議祠星於天寶宮

敎命司諸席元辰集醮筵星君符介壽歲紀輯安躔炬
燄天無夜熏焚樹有煙音如緱嶺上拜似竹宮前蕊笈
祥延世飈輪儼御仙日餘青焯接宿耀燭壇連象緯昭
重潤齋明祝大年步虛垂珮響奠幣織文鮮誠感將馨
御選元詩

卷六

馬祖常

三

祀神娛樂鼓淵蓄釐歸帝胄孚祐播農田

姚左司墨竹爲賈仲章尚書賦十韻

江渚春生兩山楹夜宿雲籜鱗穿石錦節粉帶書芸元
玉昆刀削素絲并翦分魚竿方問野鳳管已招君莫作
宣房捷還歌華澤文露零忻鶴警星度恐螢焚影似風
櫃見聲如雪幌聞裁冠終有製作屋更無氛移植驚燕
叟盤根識楚妘中郎揮墨汁宗伯侑鑪熏

送宋誠夫太監祠海上諸神

上聖崇明祀元臣屬有文內香開寶炷制幣出元纁授
節臨前殿傳臚聽後軍酒清黃木廟魚祭武夷君颺母
應回雨天妃却下雲不勞風有隧猶願楚無氛漕粟琅

邪見還珠合浦聞穹蒼天垓溔溔氣氤氳龍戶編魚
賦鮫人織霧紋時祠光炯炯宣室語欣欣鵬運連番舶
輶歸願冀羣觀書曾拜洛歌賦不橫汾越水琉璃靜閩
花茉莉熏伏波封莫請宵旰念華勛

求趙伯顯畫家山圖用唐李中韻

春鴈南來後家書一紙無山花應向日陂水計通湖羸
杼衣資絮生蠶薄藉蘆久宜拂白石強此伏青蒲琴客
分抄譜仙翁許借壺園紅榴火鍊沼綠芙蓉盤鋪嵐氣飄
簷隙煙光鬱座隅呼雲橫蟬螻問月看蟾蜍倚杖心何
逸觀魚興不辜新開竹林逕并乞寫成圖

倚綠園

御選元詩

卷六十 馬祖常

三

殖產吾何取開林我獨能縛船嘗取竹擣紙每移藤池
曲波濤小花繁霧雨蒸春雲同礎潤秋月共江澄鳳下
非因食魚來不可曾寫經還道士裹飯乞行僧筍屨新
青折荷衣舊翠凝浮甌茶有乳溢甕酒無冰香炷留文
篆書囊剩繚綾清晨餐玉罷東坐日初升

登雨花臺

積翠生層巘凝先浴巨濤吳城花覆井楚舸竹栽篙地
近魚龍逼天空鶴鶴高野橋皆蟠螭溪水盡蒲萄兩石
逢芝箭風林得鳳毛臙脂兒女小畚畫鬼神饗六代都
銜壁三山尚戴鼇故宮猶荏苒古樹漫周遭仙洞歌瑤
草人家宴碧桃飯香非接浙酒好不筍糟綠霧春連閣

丹霞曉映袍攀躋忻境勝跋涉憚人勞
老我才還劣清資媿重叨採詩今有使問俗似無曹佳麗千年最聲名
一世豪歲時休澣日攜手可遊遨

寄舒真人

金闕來華蓋琳壇集羽衣石因鍾乳膩松爲茯苓肥劑
墨香翻杵修琴玉布徽天低臨象緯日近逼光輝竹裏
開長逕池邊蔽小扉紅迷霞綺錯綠漲水環圍仙杏葩
凝赤蟠桃萼翦緋龍來還獨宿鶴去更知歸割蜜蜂先
避銜書鳳自飛祠雷陳古磬符鬼掣靈旂丹井泉偏冽
銅盤露未晞俗人那得識詩客盡相依伊我逢休澣從
茲詠浴沂憑師消鄙吝猶可採山薇

御選元詩

卷六十一

馬祖常

三

送華山隱之宗陽宮

江閣魚龍近山房霧雨多地清天不暑池曲水無波筍
籜迎書帶櫻桃送錦窠呦呼伴鹿嘒唳唳換經鷺養素
行編屨乘閒坐織蓑幾篇餐玉法一帙醮星科香炷沈
銀葉衣裾佩紫荷丹光留海月絳景出松蘿醉憶泉浮
乳幽憐石爛柯神君攀綠桂天女踏青莎邀客登山頂
尋真入澗阿洞簫吹道曲雲紙寫魚歌予髮今如此君
心可奈何高談見明月爲我問娑羅

張雄飛

碧雞山

北闕辭丹鳳南雲看碧雞紫苔移玉座瑤草濕金泥雨

靈龍歸洞風生虎渡溪尋梅穿竹徑採藥躡松梯白日
依山盡青天入海低寄書無鴈過擇木有猿啼花映高
低樹園分遠近畦飛星馳寶馬沈水吐銀猊魚戲蓮房
北鷗鳴荻渚西長歌漢頌罷刻石紀新題

貢奎

賦牡丹

得千字

曲檻春如錦晴開曉日妍樹搖風影亂枝滴露光圓玉
珮停湘女金盤拱漢仙翠填宮鬢巧黃染御袍鮮力費
青工造名隨綺語傳細翎層擁鶴弱翅獨迎蟬倚竹成
雙立留華任衆先久看心已倦欲折意還憐洛譜今存
幾吳園路憶千可應頻載酒相與醉華年

御選元詩

卷二

張雄飛

貢奎

三

次王士容經歷賦廣東二十韻

巨鎮雄江表炎州介嶺巔通津波險涉接驛路高緣土
貢來遐遠輿圖接未顛獷民疲鬪蟻狡吏攫飢鷗蠱念
山多瘴蒙知地出泉黃浮烏影淡紅暈蜃光連石老苔
成蘚崖陰筍作鞭翠屏開近嶂素練杳迴川禽弄千般
巧花分四序妍九重嚴政治六轡選時賢喜際風雲會
同沾雨露天勝談蓮幕內妙句藥階前苦味檳榔好清
香荔子縣罕逢苑北馬富聚海南船古跡荒城碣晴炊
野墅煙行經韓子竄蠻恥越王偏賈客財常萬僧尼寺
或千整締冬亦爾乘屨俗依然人物生唐相儒風盛孔
編快心時小憩過眼境頻遷發興超言外消愁向酒邊

入朝應報最何得賦歸田

題虞少監小像

巖壑高堂上煙霞眼底清向來曾寄跡老去未忘情茅
屋蒼林掩藤崖白道縈遠峰雲際直孤嶂水邊橫宿雨
分濃淡斜陽閃晦明折梅驚雪墜倚竹待風生嶺斷炊
煙補沙迴鰲岸傾雜花浮野意飛瀑送溪聲婦媿忻鳩
喚兒耕感犢鳴攬衣隨處坐曳杖有時行拄笏曾招爽
投簪每懼盈他年著書樂應不愧虞卿

舟宿荻港

冉冉秋雲暮衝寒買去船長江瀉吳楚故國澹風煙日
黯蘆翻雪磯危浪拍天蛟鼉潛暗壑鴈鷺起平川虎飲
沙遺蹟龍歸窟護涎岸崩縣老樹山暗失層巔靈廟森
長戟奔灘抱古厓漁家罾網集商舶鼓鈺聞登覽誰無
恐漂零客有篇浮生行役苦即合卧林泉

許有壬

水木清華亭宴集十四韻

并序

水木清華亭侍御史王公公儼別墅也位都城巽
隅出文明門餘里許園池構築甲諸邸第予客京
有年識公儼亦久而未嘗迹其地至正乙未春自
汴召入俄公儼由遼省拜中臺握手傾倒屢約宴
集塵冗不果致期宿具復有意外之撓乃七月二
十又三日始遂盍簪左轄呂仲實中執法杜德常

御選元詩

卷六十一

賈奎

許有壬

十四

右司王本中左司尚彥文實同尊俎酒旨樂備物
腆意勤適雨霽秋清庭空地迴庭木湧翠渚蓮散
紅北瞻闔闔五雲杳靄極目西望舳艫沉沉於煙
波浩渺雲樹參差之間蕭然有江鄉之趣不知其
爲輟擊肩摩之境也煩襟滯慮滌濯淨盡茲游奇
絕宜造物之不輕畀也公儼請曰人生四美百年
幾遇不可不紀也乃即水木清華亭爲韻賦詩有
壬分華字其詩曰

世祿推門闕天墀幾拜嘉高情忘勢利大隱謝紛譁朝
市塵無染蓬瀛路豈賒眷言營別墅初不遠東華畫舸
堂前過青帘柳外斜晴紅迷菡萏寒翠接蒹葭揮塵風
御選元詩

卷六

許有壬

三

生座扶筇雨壓沙萍開輕泛鴨荷側重擊蛙只訝神仙
府誰知宰相家賓朋元圃玉文采赤城霞麗曲疑雲表
鮮妝炫水涯添栽三徑竹遞賞四時花心事尊中物人
生海上槎相逢須盡興明日各趨衙

送馬明初教授南歸二十韻

并序

後至元戊寅予得請歸江夏別業明年冬遊長沙
又明年二月安仁馬君明初來見於琅璿山其人
溫醇其文粹精傾蓋如平生同遊南岳更唱迭和
遂同歸江夏甫七日復參知政事命下以小兒累
之又同北焉至任城明初舟覆幾不免間關跋涉
不忍予棄用中臺翰林薦堂除緱山書院山長及

格擢右衛率府教授始釋褐衛官若胥卒皆國人
明初請收書教其子弟爲華學官屬躡之鳩俸檄
明初買書江南因得歸省其家焉過予相下將別
請言吁世俗之交翻覆雲雨况延之館塾者其爲
交不又密乎饗餼之不精不時也供侍之不慎不
及也脯脩之不腆也汲引之不酬也爲主人者有
能不犯於是者乎人情久則狎狎則慢慢則隙生
焉賓主至是不竭歡者鮮矣而明初與予十年如
一日始終無間言有德君子哉述其槩爲詩以餞
之其詩曰

吾子昔傾蓋琅璆古渡頭袖文驚蜀錦懷寶重天球心
御選元詩

卷六十

許有孚

三六

既同金斷膠因向漆投有邀須共往無倡不爲酬南岳
朝聯轡湘江暮艤舟履窮峰頂寺詩滿水邊樓訪古由
來喜尋芳到處留遂移衡浦隱便作武昌遊坐席何曾
暖招旌遽見求高情安旅次遐躅又神州道路多嘗險
山川只薦愁埽雲髡兔穎塵雪弊貂裘善誘兒何幸深
藏價未收忽看鴻鵠舉甘效蟹蛭休洹水寒偏瑩林慮
晚更幽誰知三仕已相累十春秋公道先揚善真才自
拔尤恩袍明翡翠教鐸振貔貅行役仍清淡言歸藐阻
修臨歧惟一語音信莫悠悠

許有孚

柳巷

種柳圭塘路行便向榮雨晴羞眼澀煙暖細眉橫色
比金猶嫩枝看翠易盈林疎無繫馬葉接有啼鶯線亂
柔條裊瓊鋪落絮平尋詩常獨往送客或同行歸院塵
難到還家月每明上通陶令宅不接亞夫營京兆時非
昔平康夢自驚陽關休疊曲司馬易傷情但恐春回馭
何將酒解醒託根因勝境由徑得嘉名莫訝公休吏詩
成句未精

何中

移菊

僅得林間趣閒尋菊本移人家深竹裏楓葉夕陽時汲
井澆畦潤將鉏下手遲護叢愁蕊損帶土怕根知每被
御選元詩

卷卒

詩有字 何中

七

歸樵問深憐冷蝶隨寒香生徑術幽事補灣碕斗柄西
北落鴈聲霜露垂裴回繞叢畔自笑可能癡

皮氏逸亭

地僻藏吾逸隨宜託數椽池新何許水楓壽不知年竹
讓前林月花歸隔浦天綵鱗孤鏡照幽呀四牕圓曲几
清時裏閒心太古前入因添曉起出每及宵眠句得思
仙寄碁高許客傳乾坤餘蠹簡勲業老觥船智有過榮
計先求勝祖鞭太章短東極夸父恨虞淵世共稱工者
吾知付莞然他時耆舊傳應指某公賢

劉濩

贈臧曾山廉訪

肅政光華遠清臺啓擬公節移梅嶺北輅發桂江東楮
帳篩寒月柳杯鼓朔風瘦童恐挾杖貧馬不裝絨徼俗
三年問威名百郡雄星芒垂許洛雪色照賓融敷教有
虞廟講經夫子宮端嚴鉏獮戾易直牖倥侗吏猾加笞
竹官貪解印銅冤銷千褐父恩浹萬黃童花縵施冬暖
匏笙吹歲豐仁頻苞嫩綠古辣釀輕紅象跡煙中堞鯨
波雨外蓬夷珠人有斛粵布我無筒剖決心如水驅馳
鬚已蓬六條方奏最四牡欲歌功爲有澄清志遲輸獻
納忠織雲添衣繡鞭電亦乘驄楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎
鷺爭肥似鴈罷搏猛於熊懷壁枉無罪見金忘有躬化

御選元詩

卷六

劉漢

三八

源安溷溷獄市積忽忽大器能繩物先聲已擊蒙道傍
豺果避窟底兔幾空勿珥終凶筆毋開報怨弓左饋并
右粥後稷更先種采菊賦歸老愛蓮無極翁理明輕勢
利語妙入盲聾文祖歐陽古詩宗魯直工挽回鉛槧習
超出簿書叢顧盼山須動掄揚石可礪羽儀傾振鷺啄
菘徧哀鴻念昔初騰踏時方息戰攻考工崖黯黯試壘
海隴隴赤芾彼三百素絲茲五總穩行卑劔閣善納小
雲夢甲子從頭數冠紳進秩穹階蘭香浣露田玉氣噓
虹世或探斯鷺吾寧牯爾撞察魚應小慧聽蟻豈真聰
靜躁聆徼外剛柔省設中江湖歸獨步宇宙涉丹衷德
驥曾思附仙舟偶未同耐寒衣故白好古佩仍葱夢枕

頻鮮荔羈帆幾落楓泥塗龜各曳霄漢鳳稀冲厲操期
霜柏吞聲等嬰桐漸忘身顯晦得究學初終韓子哦雙
鳥莊生感二蟲樂莘晞衍衍憂杞笑忡忡選舉繫唐盛
方聞及漢崇貢琛凌渤解懷組際穹窿穀欠防飢斂鹽
因析利籠駭民牛穀鯨虛士鶴毳毳黼黻需耆俊饗飧
給老癯會看楊綰貴不計孟郊窮温井占陽長明奎卜
道隆斲辭規愛助華髮尚狂侗

蒲道源

偶記少時小年能綴文詩

彼美誰歎子嶄然早見稱綴文當世有惟汝小年能稚
齒爲星鳳清姿秀玉水聯章成脈絡緝句合規繩穎悟
御選元詩 卷六 劉漢 蒲道源 王楨 三

過長吉推揚自少陵可憐東魯客頭白短檠燈

王楨

園田

度地置園田相將水陸全萬夫興力役千頃入周旋俯
納環池地穹懸覆幕天中藏仙洞秘外遶月宮圓蟠亘
參淮甸紆回際海壖官民皆紀號遠近不相緣守望將
同井寬平却類川隰桑宜葉沃隄柳要根駢交往無多
逕高居各一廛偶因成土著元不畏民編生業團鄉社
囂塵隔市屢溝渠通灌溉塍埂互連延俱樂耕耘便猶
防水旱偏翻車能沃槁漑窳可抽泉擁綠秧鋤後均黃
刈穫前總治新稅籍素表屢豐年稌黍及億秭倉箱累

萬千折價依市直輸納帶逋懸歲計仍餘羨牙商許懋
遷補添他郡食販入外江船課最司農績治優都水權
富民茲有要陸海豈無邊祈奏載芟詠報歌良耜篇降
穰今若此蒙利敢安然壤土常增築風濤每慮穿積儲
趨日用防禦廢宵眠擊鼓供惟急苦廬守獨專本為憑
禦護或未免災愆誰念農工苦惟知粒食鮮并將農譜
事編紀作詩傳

御選元詩卷第六十

御選元詩

卷六十

王禎

三

